

P. R. O. suis infra eandem Provinciam aut super aliqua terras tenementa bona seu Catalla infra Provinciam predictam aut in aut super aliqua bona vel merchandizas infra Provinciam predictam aut infra Portus aut Navium stationes dicte Provincie onerandas seu exonerandas et hanc declaracionem nostram in omnibus Curiis et Pretoriis et coram quibus-cunque Judicibus nostris heredum et Successorum nostrorum pro sufficiente et legitima liberacione solucione et Acquietancia inde de tempore in tempus recipi et allocari volumus Ac pro nobis heredibus et Successoribus nostris jubemus et mandamus precipiendo omnibus et singulis officiariis et ministris nostris heredum et Successorum nostrorum et sub gravi indignacione injungendo ne quid in contrarium premissorum ullo unquam tempore attemptare audeant aut eisdem ullo modo contraveniant sed prefato modo Baroni de Baltimore et heredibus suis ac prefate Provincie de terra Marie Incolis et Mercatoribus predictis eorumque servis Ministris Factoribus et assignatis in plenissimo hujus Chartre nostre usu et fruicione omni tempore auxilientur et assistant prout decet Et ulterius volumus ac per presentes pro nobis heredibus et Successoribus nostris concedimus prefato modo Baroni de Baltimore heredibus et assignatis suis et dicte Provincie terre tenentibus habitatoribus presentibus et futuris et singulis eorum Quod Provincia predicta terre tenentes vel Incole ejusdem Colonie aut patrie vel terre Virginie aut alicujus alterius Colonie deducti vel deducendi membrum vel pars de cetero non habeantur vel reputentur aut de eisdem dependentes sint aut regimini subsint in aliquo ipsamque et ipsos ab eisdem separamus et separatos esse volumus per presentes Ac quod Corone nostre Anglie immediate sint subjecti et de eadem dependentes imperpetuum Et si forte imposterum contingat dubitaciones aliquas questiones circa verum sensum et intellectum alicujus verbi clausule vel sentencie in hac presenti Charta nostra contente generari eam semper et in omnibus interpretacionem adhiberi et in quibus-cunque Curiis et Pretoriis nostris obtinere volumus precipimus et mandamus que prefato modo Baroni de Baltimore heredibus et assignatis suis benignior utilior et favorabilior esse judicabitur Proviso semper quod nulla fiat interpretacio per quam sacro sancta dei et vera Christiana religio aut ligeancia nobis heredibus et Successoribus nostris debita imminutione prejudicio vel dispendio in aliquo patiantur Eo quod expressa mencio &c In cujus rei &c Teste Rege apud Westmonasterium xx<sup>o</sup> die Junii.

Per breve de Privato sigillo.